

Argentum. *Silber.*

Metallum album, ductile, via sicca oxygenium respuens, in acido nitrico solubile, oxydatum cum acido muriatico connubium indissolubile contrahens.

Arsenicum album. *Weisser Arsenik.*

Arsenicum oxydatum sublimando paratum massam refert scoriformem, compactam, albam, recens subpellucidam, tempore opacam. In igne fumi albi instar avolat, odorem alliaceum spargens.

Asa foetida. *Stinkender Asand. §. 2.*
Ferula Asa foetida. Planta perennis Persiae.

Gummi-resina tenax, vel ex flavo fusca, vel ex fusco rosea. Immixta sunt nonnunquam granula subdiaphana. Sapor ex acri amaricans est, odor autem maxime nauseosus, odori alliaceo affinis. Lactis instar ex radice transversim secta effluit in superficie sauciata.

Asphaltum f. Bitumen judaicum. *Judenpech. Schlackiges Erdpech.*

Bitumen solidum ex fusco nigrum, friabile atque in fractura nitens. *Optimum* est, quod mari mortuo, mari rubro. et aliis quibusdam Asiae meridionalis et Europae lacubus asphalticis innatat. *Vulgare* in fodinis Galliae aliarumque Europae provinciarum occurrit.

Baccae Berberidis. *Berberis-Beeren. §. 1.*
Berberis vulgaris. Frutex Germaniae.

Baccae oblongae, rubrae, peracidiae.

Baccae Juniperi. *Wachholder-Beeren.* 24 9 6

Juniperus communis. Arbor aut frutex Europae borealis.

Fructus baccati nigri, resinosi, odore graveolente et sapore subamaro praediti.

Baccae Lauri. *Lorbeeren.* 4 1

Laurus nobilis. Arbor Europae meridionalis.

Fructus recentes nigricantes, oleosi, aromatici.

Balsamum Copaivae. *Copaiva Balsam.* 6 1 1

Copaifera officinalis. Arbor Americae meridionalis, in Brasilia frequens.

Ex arbore stillans pellucidum est, flavescens, odore aromatico et sapore amaricante non ingrato praeditum. Adulteratur praesertim terebinthina et oleo amygdalarum dulcium. Terebinthina, balsamo ferro candenti insperso, odore proprio sese prodit; oleum amygdalarum autem, balsamo in spiritu vini soluto, in fundo remanet.

Balsamum Indicum s. Peruvianum nigrum. *Schwarzer Peruanischer Balsam.*

Myroxylon peruiferum. Arbor Americae meridionalis, praesertim in regno Peruviano frequens.

Sapore praeditum est ex acri aromatico mixto et odore grato benzoino, quem etiam dispergit carbonibus aut ferro ignito iniectum. Obtinetur coctione ramulorum in aqua. Bullienti aquae instillatum separatur in partem leviolem, quae aquae pelliculam superinducit, et in partem graviorem, quae

fundum vasculi petit. Solvitur in spiritu vini; con-
nubium cum oleis plane respuens. Acidum sul-
phuricum, additis aliquot balsami peruviani nigri
guttulis, colore tingitur intense coccineo.

Balsamum Peruvianum album. *Weisser*
Peruanischer Balsam. Ex arbore sponte destil-
lans rarissimum est.

Baryta sulphurica nativa f. Spathum
ponderosum. *Schwerspath.*

In metallifodinis Hercyniae, Saxoniae aliisque
venas implet. Eligantur frustula alba, lamellosa,
heterogeneis minus inquinata. Baryta acido sul-
phurico nupta in aqua plane indissolubilis est.

Benzoë f. Gummi Benzoës f. Asa dulcis.
Benzoë.

Styrax Benzoë Dryanderi? Arbor Indiae orientalis.

Resina e ramis exsudans, subfusca, granulis al-
bis immixtis variegata, ~~nitens~~, nitens, saporis sub-
actis et odoris grati, praesertim si liquatur.

Bismuthum, vulgo Marcasita. *Wismuth.*

Metallum fragilissimum, ex albo subrubicundum,
lamellis compositum, leni igne admoto liquescens,
intensiore autem actum in vase clauso volatile.
Acido nitrico nuptum per aquam sub forma oxydi
albi praecipitatur.

Bole-

Boletus igniarius. *Feuerschwamm.*

Boletus igniarius. Per totam Germaniam frequentissimus.

Fungus tenuissime porosus, superne cinereus, margine albescens, inferne albidus. Quercubus, Betulis et Fagis adhaeret.

Boletus Laricis f. Agaricum. *Lärchenschwamm.*

Boletus Laricis Jacquini. In Austria et Sarmatia frequens; forsans varietas *Boleti igniarii*?

Fungus suberosus tubulis subtilissimis instructus, recens subaurantiacus. Siccatus, extus cinereus, intus albus, atque in tenues laminae facile scissilis est, et tunc *Agaricum praeparatum* nominatur.

Boletus Salicis. *Weidenschwamm.*

Boletus suaveolens. In Europa boreali frequens.

Fungus inaequaliter porosus, salicibus accrescens, et odorem aromaticum spargens, praesertim post pluviam.

Bolus armenia. *Armenischer Bolus.*

Argilla ex luteo rubra, ferro oxydato turgida. Quae in Germania, Gallia vicinisque regionibus effoditur, parum differt a genuina ex Armenia allata.

Borax. *Borax.*

Tincal, Asiae mediae sal nativum, e Natro et Acido boracico constat, perfecta depuratione et crystal-

lisatione, nomine Boracis insignitur. Albus sit, crystallinus et leni calore fusilis.

Cacao. *Cacaobohnen.*

Theobroma Cacao. *Arbuscula in America meridionali frequenter culta.*

Semina oleoso-farinacea, ex fusco nigricantia, seminibus Viciae Fabae similia.

Calcaria, vulgo Calx. *Kalkerde.*

Terra propria, acido carbonico juncta, quo amisso in aquae partibus quingentis solubilis fit. Cum Acido sulphurico gypsum constituit. Eligatur heterogeneis libera, qualem praebent Marmor album, Testae Ostrearum, caet.

Camphora. *Kampher.*

Laurus Camphora. *Arbor Indiae orientalis, praesertim in Japonia frequens.*

Camphora cruda constat massulis globulosis, flavis, subluteis et cinereis, quae destillatione ramulorum et foliorum cum aqua, a reliquis Lauri Camphorae partibus constitutivis separatae, statim sublimantur.

Camphora depurata, nova sublimatione Camphorae crudae parata, concrevit in massas magnas orbiculares, subtus concavas. Optima nivea est et glaciei instar subdiaphana. Super ignem liquata olei instar fluit et accensa deflagrat omnis. Odorem proprium fragrantissimum spargit.